



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Restitutione Spoliatorum. Titulus XIII.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

320 ANALYS. IURIS PONTIFICII
adhuc poterit instrumenta, confessiones, et probationes
inducere. Post conclusionem autem, vel renuntiationem,
non potest fieri suspensio petitorij, nisi, malitia spoliato-
ris, vel casus, vel alia iusta causa iudicem mouerit, ut in
possessorio, petitorio suspenso, procedat, c. pastoralis, extr.
eod. & specul. d. loco.

*Caussa possessionis nihil habet commune cum pro-
prietate.*

DISCORD.

*Iure Ciuili questione, de possessione & proprietate,
orta, prius possessionis questio finiri precipitur, l. 3. C.
de interd. l. si de vi, ff. de iud. Sed iure Pontificio simul
agi potest utraq, & licet in pronuntiatione premittere
da sit possessio, in executione tamen debet proprietatis pre-
ualere, c. cum dilectus, extr. eod. c. 2. extr. de Capel-
Monachorum.*

DE RESTITVTIONE SPO- liatorum.

Titulus XIII.

Continuatio.

ANte restitutionem obiecta, in modum exce-
ptionis, spoliij questione, Actor non auditur
nec spoliatus eius petitioni respondere tenetur.
Sciendum igitur, quis spoliatus dicatur? & quo-
modo eidem succurratur.

Quid est Spolium?

*Spolium est priuatio possessionis, vel qualis
rei*

rei alicuius aut iuris, iniqui iudicis sententia, vel alterius cuiusdam vi, vel dolo malo, facta. Dd. in c. conquerente, extr. eod. Est enim vis de genere illicitorum: quæ semper præsumuntur dolo malo fieri. nisi error aut alia violentiæ causa iusta probetur, l. si non conuicij, C. de iniurijs, l. 1. C. ad l. Iul. de fidei. & l. 2. ff. vi. bo. rap.

Quæ est causa Efficiens?

Inutilis sententia iudicis, aliquem, non seruat iuris ordine, vel iniuste possessione sua priuatis, & vis, vel fraudulosa voluntas spoliatoris, c. grauis, extr. eod. & c. in literis, & c. conquerente, eod.

Quod est Obiectum?

Res mobilis, immobilis, corporalis & incorporealis: vt sint omnes res, quarum humanum commercium est, iura, & beneficia clericorum d. c. grauis, c. in literis, c. sollicitè, c. accepta, c. sæpè contingit, extr. eod.

Quæ Forma?

Spolium non tantum fit, si quis per vim vel dolum alicuius priuati hominis ex possessione rerum suarum eijciatur, verum etiam, qui per iudicis sententiam, iuris ordine prætermisso, beneficio, vel alijs rebus carere coactus est. Vel, si iuris quidem ordinem seruauerit, spoliati tamen, & de facto damnati iudex erat incompetens: vel si iudex sit competens circa priuationem nulliter pronuntiauit, c. conquerente, extr. eod. & c. causam matrimonij, extr. de off. iud. deleg. & ibi Dd. Pariter non tantum is qui spolium patrauit spoliasse dicitur, sed etiam, qui mandauit spoliari,

aut Spolium suo nomine factum ratum habuit,
vel spoliatori in vitium successit, c. cum ad se-
dem, extr. eod.

Quis Finis?

Vt spoliatus possessione rerum suarum, vel
quasi possessione iurium, restituatur, c. sollicitus
& c. Pisanis, extr. eod.

Quis Effectus?

Interdictum, Vnde vi, actio & exceptio spolia-
tionis, c. cum ad sedem, extr. eod. Et sciendum,
quod spoliij quaestio, vel in modum actionis, re-
conventionis, vel exceptionis obijci possit: si Ac-
tor actione instituta conqueratur de spolio, non
potest ab aduersario vel ciuilitur vel criminaliter
reconueniri ante restitutionem, nisi pariter
super spoliatione, c. 1. & c. fin. extr. de ord. cogit.
Restitutionis enim petitio in hoc priuilegiata
se dicitur, vt ipsam intetans nullo iure teneatur,
ante restitutionem, petitioni spoliatoris respon-
dere, nisi in pari quaestione, Abbas, c. 1. extr. de ord.
cog. Si autem in modum reconventionis oppo-
natur, tunc, cum multae petitiones esse intelli-
gantur, simul & vicissim tractandae & vna senten-
tia terminandae sunt. Quod si spolium in modum
exceptionis proponitur, etiam ea legitime proba-
ta nulla fertur restitutionis sententia: sed quan-
diu Reus restitutus non fuerit, non cogitur Acto-
ri super petitionibus suis respondere. Et hoc est,
quod antea dixi, diuersos esse proponendae spolia-
tionis effectus: cum quod spoliatione per mo-
dum exceptionis probata agens repellatur, sed
non restituatur: sed si probetur in modum actio-
nis,

nis, restituatur opponens ante principalis causæ ingressum. verùm restitutio ita fieri debet, vt nō tantum res ablata restituatur, verum etiam, omnes fructus, tam à violento possessore percepti, quàm ij, qui à veteri possessore verisimiliter percipi potuissēt: imò etiam ad omnia damna resarciēda, & de illatis iniurijs satisfaciendum, c. grauis, extr. eod.

Quæ sunt Restitutioni Contraria?

Renuntiatio spoliati ante spoliationem facta, c. sollicitè, eod. resignatio beneficij, super quo spoliū factum probatur, c. accepta, eod. rei iudicatę exceptio, c. ei qui appellat, 2. quæst. 6. simonia, c. tanta, de simonia. criminis euidentia, c. de manifesta, 2. quæst. 1. infamiã publica, c. presbyter, 2. quæst. 5. scandalum, c. hæc quippe, 3. quæst. 6. intrusio in Romanã sedem, c. Deus, 3. quæst. 1. spoliatio à iudice in figura iudicij facta, c. notum, 2. quæst. 1. in modum exceptionis spoliationis obiectio, c. cum dilectus, extr. de ord. cog. spoliatoris inopia, c. olim, extr. eod. hæresis spoliati, c. quo iure, dist. 8. & 13. quæst. 1.

A X I O M A T A.

Si contra petentem restitutionem coniugis, opponitur consanguinitas in gradu prohibito, & offeruntur probationes paratæ, recepto ab opponente iuramento de malitia, negabitur restitutio, quo ad thorum, & fiet quo

X 2 ad

ad reliqua. Si verò probationes promptæ non sint, fiet plena restitutio viro probanti de sponsationem & copulam, c. literas tuas, & c. ex transmissa, extr. eod. Sunt autem septem casus matrimoniales, in quibus non habet locum restitutio, his versibus comprehensi:

Si non continuit, si mox probat impedimentum,

Siq; vir auferus, Mox sit lege relicta.

Si virgo fuerit, & corrumpi timeatur:

Si non possedit iuste, vel si violenter.

Casibus his septem dominis non restituantur.

Aduersus restitutionem petentem, non est audiendus reus de proprietate opponens: nisi actore consentiente, c. licet, extr. eod.

Spoliatus etiam à iudice, iuris ordine prætermisso, ante omnia restituendus, c. conquerente, extr. eod.

Si Actore agente petitorio Reus super eadem re adducit possessorium, proceditur in solo possessorio, suspensus petitorio, c. ex conquestione, extr. eod.

Violentus rem cum fructibus, etiam qui percipi potuissent, restituere, damna resarcire, & de iniurijs satisfacere compellitur, c. grauis, extr. eod.

Recipiens scienter rem inuasam à spoliatore, tenetur eam spoliato restituere, etiam non probato dominio, c. sapè, extr. eod.

Per solam traductionem mulieris ad domum viri factam, non præcedentibus sponsalibus, vel inualidis, nõ acquiritur possessio: Vnde ea recedente propria auctoritate non competit restitutio, c. ex parte, eod.

Actori, qui possessionem non habuit, vel in eius probatione deficit, non conceditur restitutio, d. c. ex parte.

Spol-

Spoliatus potest, suspenso petitorio, ante conclusionem
in causa, intentare possessorium: secus si sit conclusum,
vel iudicialiter videatur, c. pastoralis, extr. de causa pos.
& propri.

Cum spoliium proponitur in modum exceptionis, nul-
la fertur restitutionis sententia, sed quamdiu non fuerit
Reus restitutus, non est cogendus Actori respondere, c. 2.
extr. de ord. cog.

DE DOLO ET CONTV. maciam.

Titulus XIII.

Continuatio.

Videntur litigatores rebus suis destituti, si
per alterutrius dolum, vel contumaciam,
iuris definitio retardetur. Ne igitur fraudu-
losè moratori, vel contumaciter absenti contu-
maciam sua patrocinetur, sunt certa iuris remedia
statuta, quibus, in pœnam contumacis, obediēti
subuenitur.

Dolus quotuplex?

Duplex, bonus & malus. Dolus bonus dicitur,
machinatio aduersus latronem, inimicum, vel
publicum hostem, instituta, c. vtilem, 22. quæst. 2.
& c. vt pridem, 23. quæst. 8.

Quid est Dolus malus?

Labeo dolum malum, dicit esse omnem calli-
ditatem, fallaciam, machinationem, ad circum-

X 3

uenien-